

Mga Sumbanan sa Pagserbisyo ug Kalihokan alang sa Kabatan-onan.

Kini nga mga baruganan ug mga sumbanan gituyo aron sa pagtabang sa kabatan-onan ug hamtong nga mga lider samtang magtinambagay sa pagplano og makahuluganon nga mga oportunidad sa pagserbisyo ug maayo, makalingaw nga mga kalihokan. Kini nga mga baruganan ug mga sumbanan mahimo usab nga gamiton isip kapanguhaan sa mga miting sa stake, ward, ug konseho sa kabatan-onan.

MGA BARUGANAN

Ang mga kalihokan kinahanglan nga planohon ug ipatuman sa mga lider sa korum ug klase, uban ang suporta gikan sa mga tigtagbag nga hamtong. Ang mga kalihokan kinahanglan nga:

- Molig-on sa pagtuo sa bag-o nga kaliwatan diha sa Langitnong Amahan ug sa Iyang Anak, si Jesukristo, ug motabang sa kabatan-onan ug sa ilang mga pamilya nga mouswag diha sa dalan sa pakigsaad samtang ilang atubangon ang mga hagit sa kinabuhi.
- Motabang sa kabatan-onan sa pagkab-ut sa buhat sa kaluwasan ug kahimayaan (tan-awa sa *Kinatibuk-ang Tamdanan nga Basahon: Pagserbisyo diha sa Ang Simbahan ni Jesukristo sa mga Santos sa Ulahing mga Adlaw* [2020] 1.2, ChurchofJesusChrist.org).
- Mohatag sa kabatan-onan og suporta ug pagbati nga nahisakop pinaagi sa pagpalig-on sa panaghiusa sa korum ug sa klase ug pinaagi sa pagpalambo sa ilang mga relasyon uban sa mga kaedad, mga lider, ug mga pamilya.
- Mohatag og balanse nga mga oportunidad alang sa kabatan-onan sa pag-alagad sa uban ug sa pagpalambo sa espirital, sosyal, pisikal, ug intelektwal nga paagi (tan-awa sa [Lukas 2:52](#)).
- Mohatag og mga kasinatian nga makatabang sa batan-ong mga lalaki ug batan-ong mga babaye sa pag-andam sa pagtuman sa ilang balaang mga tahas.
- Mosunod sa tanang kahilwasan ug ubang mga polisiya ug mga sumbanan sa Simbahan (tan-awa sa safety.ChurchofJesusChrist.org).

MGA SUMBANAN

Ang mosunod nga mga sumbanan mahimong ipahiangay sa lokal nga mga kahimtang, ubos sa direksyon sa lokal nga mga lider:

- Magbuhat og senimana nga pagserbisyo ug mga kalihokan kon mahimo. Ang pagserbisyo ug mga kalihokan mahimong panagsa lang ipahigayon base sa mga panginahanglan ug mga kahimtang sa mga sakop sa korum ug sa klase apan kinahanglang ipahigayon bisan matag bulan lang.
- Maghimo daan og listahan sa mga kalihokan [calendar] nga mag-una og pinakaminos tulo ka bulan. Makapaniguro kini nga usa ka nagkalain-lain apan balanse nga adunay katuyoan ug mahagitong mga kalihokan, base sa mga baruganan sa ibabaw, giplano aron makab-ot ang mga panginahanglan sa indibidwal nga korum ug mga sakop sa klase.
- Mangita og mga oportunidad alang sa kabatan-onan aron makahatag og makahuluganon nga serbisyo ngadto sa mga indibidwal, mga pamilya, ug sa komunidad. Hunahunaa ang mga panginahanglan ug mga interes sa matag sakop sa korum ug sa klase samtang mag-awhag kanila sa pagtabang dili lang sa ilang kaugalingon apan ngadto usab sa uban.
- Tungod kay ang hiniusang mga kalihokan uban sa batan-ong mga lalaki ug batan-ong mga babaye labing mapuslanon, buhata kini matag bulan kon mahimo. Ang hiniusang mga kalihokan alang sa mas labaw og edad nga mga batan-on mahimong kanunay nga ipahigayon.
- Hatagi og mga oportunidad ang kabatan-onan sa pagtambong og mga komperensya ug mga camp:
 - Ang batan-on nga mo-edad na og 14 ug pataas motambong og FSY nga komperensya kada duha ka tuig. Ang mga komperensya sa mga batan-on ug mga pag-hike [treks] mahimong mahitabo sa mga tuig kon ang usa ka FSY nga komperensya wala gipahigayon.
 - Ang mga kamping sa Young Women ug korum sa Aaronic nga Pagkapari mahimong ipahigayon kausa sa usa ka tuig.
 - Dugang nga tibuok gabii nga mga kamping [overnight camps] ug mga kalihokan mahimo usab nga ipahigayon. Alang sa batan-ong mga lalaki, tulo hangtud unom nga dugang nga tibuok gabii nga mga kamping o mga kalihokan matag tuig gidasig, kon mahimo.
- Pangita og mga ideya alang sa mga kalihokan sa korum ug sa klase sa ChurchofJesusChrist.org/youth/childrenandyouth/discover. Gamita ang *Alang sa Kalig-on sa Kabatan-onan* (2011) isip kapanguhaan sa pagplano og mga kalihokan.

MGA KAPANGUHAAN

- *Kinatibuk-ang Tamdanan nga Basahon*, mga kapitulo 10, 11, ug 20
- YoungWomen.ChurchofJesusChrist.org
- AaronicPriesthoodQuorums.ChurchofJesusChrist.org